



Na osnovu člana 20. i 30. Statuta Fonda "Bošnjaci", Pravilnika o dodjeli stipendija učenicima i studentima u Bosni i Hercegovini, Sporazuma o saradnji sa Bejtuzzekatom iz Kuvajta i Odluke Upravnog odbora, Fond "Bošnjaci" raspisuje

KONKURS

za dodjelu stipendija studentima prvog i drugog ciklusa studija u akademskoj 2024/25. godini
za koje je finansijska sredstva obezbijedio Bejtuzzekat iz Kuvajta

I

U akademskoj 2024/25. godini Fond "Bošnjaci" dodjeljuje **65 stipendija** studentima **prvog i drugog ciklusa studija na javnim visokoškolskim ustanovama** u Bosni i Hercegovini za koje je finansijska sredstva obezbijedio Bejtuzzekat iz Kuvajta, i to:

1. Studentima Univerziteta u Sarajevu 12 stipendija;
2. Studentima Univerziteta u Tuzli 12 stipendija;
3. Studentima Univerziteta u Zenici 12 stipendija;
4. Studentima Univerziteta "Džemal Bijedić" u Mostaru 12 stipendija;
5. Studentima Univerziteta u Bihaću 12 stipendija;
6. Studentima Univerziteta u Banjoj Luci 5 stipendija.

Ukoliko se sa nekog od univerziteta ne prijavi dovoljan broj kandidata koji ispunjavaju uslove konkursa, stipendije će biti dodijeljene studentima drugih univerziteta.

II

Stipendije se dodjeljuju za akademsku 2024/25. godinu, a isplaćivat će se kvartalno u trajanju od 12 mjeseci počevši od 01. septembra 2024. zaključno sa 31. avgustom 2025. godine, u mjesečnom iznosu od po 30 KWD (kuvajtskih dinara), što odgovara iznosu od 165,00 KM.

Isplata stipendija će se vršiti kvartalno, i to:

- do kraja januara ili početkom februara 2025. godine isplatiti stipendije za septembar, oktobar, novembar i decembar 2024. godine,
- u maju 2025. godine isplatiti stipendije za januar, februar, mart i april 2025. godine i
- u avgustu 2025. godine isplatiti stipendije za maj, juni, juli i avgust 2025. godine.

III

Opći kriteriji za dodjelu stipendija:

- a) da je kandidat državljanin Bosne i Hercegovine,
- b) da ima prebivalište na teritoriji Bosne i Hercegovine,
- c) da je redovan student na jednoj od javnih visokoškolskih ustanova u Bosni i Hercegovini **izuzev akademija likovnih, muzičkih, scenskih i dr. umjetnosti**,
- d) da nije i da neće biti korisnik stipendije nekog drugog pravnog ili fizičkog lica ukoliko u akademskoj 2024/25. godini ostvari pravo na stipendiju Fonda "Bošnjaci",
- e) da na dan objavljivanja javnog konkursa nije stariji od 25 godina života i
- f) da kandidat ispunjava opće uslove iz Vakufname i Sporazuma o saradnji sa Bejtuzzekatom iz Kuvajta.

IV

Posebni kriteriji za dodjelu stipendija:

- a) da je student prve godine prvog ciklusa studija u prethodnoj školskoj godini ostvario **prosjeck ocjena najmanje 3,50**,
- b) da je student na prvom i drugom ciklusu studija, u prethodnoj akademskoj godini, ostvario **prosjeck ocjena najmanje 7,50**,
- c) da niko od članova uže porodice nije korisnik stipendije Fonda "Bošnjaci",
- d) da kandidat nema status apsoluta,
- e) da nije zasnovač bračnu zajednicu,
- f) da nije u radnom odnosu i
- g) da ne obnavlja godinu.

V

Sastavni dio konkursa je **sistem bodovanja kandidata (Obrazac: SBBZ-2)** na osnovu kojeg je kandidat dužan sam sebe izbodovati na **zahtjevu za dodjelu stipendije (Obrazac: ZBZ-2)**.

Sistem bodovanja i zahtjev za dodjelu stipendije mogu se preuzeti na internet stranici **www.fondbosnjaci.co.ba** ili u sjedištu Fonda.

VI

Komisija za utvrđivanje prijedloga kandidata za dodjelu stipendija utvrđuje blagovremenost dostavljenih zahtjeva, kompletnost i validnost dokumentacije, ispunjavanje općih i posebnih kriterija propisanih konkursom, vrši provjeru samostalnog bodovanja kandidata i drugo.

Tokom obrade podnesenih prijava komisija može od kandidata ili nadležnih organa zatražiti dodatnu dokumentaciju i pojašnjenja.

VII

Komisija će utvrditi broj bodova za svakog kandidata pojedinačno na osnovu:

- a) postignutih rezultata u učenju, takmičenjima i položenom hifzu,
- b) prosječnih primanja po članu domaćinstva, socijalnog statusa kandidata i njegove porodice,
- c) broja učenika/studenata u porodici i
- d) dosadašnjeg korištenja stipendije.

Za studente prve godine studija prosjek ocjena se uzima iz završnog razreda srednje škole, a za studente prve godine drugog ciklusa studija prosjek ocjena se uzima iz završne godine prvog ciklusa studija.

VIII

U slučaju da dva ili više prijavljenih kandidata imaju isti broj bodova, prednost imaju:

- a) kandidati sa većim brojem bodova po osnovu prosjeka ocjena,
- b) kandidati na višim godinama studija i
- c) dosadašnji stipendisti.

IX

Kao dokaze za ispunjavanje kriterija kandidati za dodjelu stipendija uz zahtjev prilažu originalna dokumenta ili ovjerene fotokopije ne starije od šest mjeseci.

1. Opća dokumentacija:

- a) uvjerenje o državljanstvu,
- b) uvjerenje o stalnom mjestu prebivališta,
- c) uvjerenje o redovnom upisu u tekuću akademsku godinu,
- d) pismena izjava da kandidat nije i da neće biti korisnik stipendije nekog drugog pravnog ili fizičkog lica ukoliko u akademskoj 2024/25. godini ostvari pravo na stipendiju Fonda "Bošnjaci" (*izjava se ovjerava u općini*),
- e) pismena izjava kojom se, u skladu sa Zakonom o zaštiti ličnih podataka ("Službeni glasnik BiH" broj: 49/06, 76/11 i 89/11), daje saglasnost Fondu "Bošnjaci" za obradu ličnih podataka prilikom i nakon provođenja konkursne procedure za stipendiranje studenata u akademskoj 2024/25. godini (*izjava se ovjerava u općini*) i
- f) pismena izjava da kandidat nije zasnovao bračnu zajednicu (*izjava se ovjerava u općini*).

2. Dokumentacija koja se boduje:

- a) uvjerenje o položenim ispitima iz prethodne akademske godine s izračunatim prosjekom ocjena na dvije decimale,
- b) studenti prve godine prvog ciklusa studija prilažu ovjerenu fotokopiju svjedodžbe završnog razreda srednje škole kao i odgovarajući dokaz ukoliko su dobitnici priznanja "Učenik generacije", "Ponos generacije" ili ostvaren prosjek ocjena 5,00 tokom srednjoškolskog obrazovanja,
- c) studenti prve godine drugog ciklusa studija prilažu uvjerenje o položenim ispitima iz završne godine prvog ciklusa studija s izračunatim prosjekom ocjena na dvije decimale,
- d) dokaz za osvojeno prvo, drugo ili treće mjesto na kantonalnom, entitetskom, državnom ili međunarodnom takmičenju iz predmeta matematika, fizika, informatika i strani jezici u prethodnoj školskoj/akademskoj godini u organizaciji ili posredstvom nadležnog ministarstva obrazovanja (*dokazi sa međunarodnih takmičenja moraju biti zvanično prevedeni na Bosanski jezik*),
- e) diploma Rijaseta Islamske zajednice u Bosni i Hercegovini o položenom hifzu,
- f) kućna lista,
- g) dokazi o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene isključivo platna lista za posljednji mjesec, iz koje se vide stvarna primanja, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva mlađe od šest godina starosti izvod iz matične knjige rođenih),
- h) dokazi za roditelje: dijete bez jednog ili oba roditelja (izvod iz matične knjige umrlih), dokaz o učešću jednog ili oba roditelja u odbrambeno-oslobodilačkom ratu tokom oružane agresije na RBiH (najmanje 24 mjeseca), dokaz o invaliditetu roditelja (preko 60% odnosno 80%),
- i) dokaz o ličnom invaliditetu kandidata za dodjelu stipendije (preko 60%),
- j) dokazi o redovnom školovanju učenika odnosno studenata u porodici.

X

Krajnji rok za dostavu zahtjeva je **15. januar 2025. godine**.

Neblagovremene i nepotpune zahtjeve Komisija neće uzimati u razmatranje.

XI

Kandidat koji konkuriše za dodjelu stipendije će, putem e-maila, dobiti svoju šifru koja će na preliminarnim i konačnim rang-listama biti objavljena umjesto njegovog imena i prezimena.

Preliminarne rang-liste će, pod šifrom kandidata, biti objavljene u drugoj polovini januara 2025. godine na web i facebook stranici Fonda "Bošnjaci" i web portalu Islamske zajednice u Bosni i Hercegovini s ostavljenom mogućnošću ličnog uvida u dokumentaciju i rang-liste kao i mogućnost žalbe Upravnom odboru u roku od 5 dana od dana objave rezultata.

Konačne rang-liste kandidata za dodjelu stipendija će, pod šifrom, biti objavljene na web i facebook stranici Fonda "Bošnjaci" i web portalu IZ u BiH.

XII

S dobitnicima stipendije Fond "Bošnjaci" će zaključiti ugovor o stipendiranju za akademsku 2024/25. godinu kojim će se regulisati međusobna prava i obaveze.

XIII

Fond "Bošnjaci" će jednostrano raskinuti ugovor o stipendiranju ukoliko ustanovi:

- a) da stipendista prima stipendiju od nekog drugog pravnog ili fizičkog lica,
- b) da je stipendista ostvario pravo na stipendiju na bazi netačnih odnosno neistinitih podataka,
- c) da je napustio redovno školovanje ili izgubio pravo na njega,
- d) da se ne oglašava na dopise Fonda i
- e) da se ne odaziva na pozive za učešće u realizaciji planiranih aktivnosti Fonda "Bošnjaci".

U slučaju jednostranog raskida ugovora o stipendiranju od strane Fonda "Bošnjaci", **stipendista je dužan u cijelosti vratiti primljene stipendije uz trajno gubljenje prava na stipendiju Fonda "Bošnjaci".**

XIV

Ukoliko dobitnik stipendije, za kojeg je finansijska sredstva obezbijedio Bejtuzzekat iz Kuvajta, izgubi status stipendiste trajno gubi pravo na ovu vrstu stipendije.

Zahtjev za dodjelu stipendije sa potrebnom dokumentacijom dostaviti putem pošte ili lično na adresu:

FOND "BOŠNJACI"

Ul. Džemala Bijedića br. 17

71000 Sarajevo



DIREKTOR


Šahin Kerla, prof.